



朝鮮詩選

坤

5241.49
4045

v.2





朝鮮詩選全集

昌江藍芳威萬里

選

滙東祝世祿無功

全閱

莆口吳知過更伯

東萊韓初命康侯全校

五言絕句

夜雨

崔致遠

旅館驚秋雨
寒窗靜夜燈
自憐愁裡坐
真箇定中僧

秋夜

秋風獨苦吟
世路少知音
窗外三更雨
燈前萬里心

聞子規

金富軾

旅客竟已消子規啼尚咽世無公冶長誰
知心所結

山居

李仁老

春去花猶在天晴谷自陰杜鵑啼白晝始
覺卜居深

眼

不用劉琨紫何須阮籍青冥然在一室萬
事見無形

北山詠

李奎報

山人不浪出古徑
蒼苔沒應恐紅塵人欺
我綠蘿月

馬上寄人

林宗庇

回首海陽城
傍城山嶙峋
山遠已不見
况是城中人

鼻

長作洛生詠
思揖隆準公
何時郢中質一

遇運斤風

雜詠

釋圓鑑

捲箔引山色連筒分澗聲
終朝少人到杜宇自呼名

又

山青仍過雨柳綠更含烟
逸鶴閒來往流鶯自後先

感懷

李齊賢

元延祐已未從忠宣主降香江南
至寶陀山召古杭吳壽山為寫陋
容比還燕京失所在後三十二年
奉表如京師復得之驚老壯之頓
異感而賦此

我昔看桃李青青兩鬢春
兒孫渾不識相問是何人

贈朴金之

洪奎

酒盞常須滿茶甌不用深杏花終日兩細
細更論心

兩荷

崔溼

貯椒八百斛千載咲其愚何如綠玉斗竟
日量明珠

乙酉作

塞翁雖失馬莊叟詎知魚倚伏人如問須
當質子虛

送僧達竹遊中華

鄭 誦

弧矢四方志肯守一青燈遊意正浩蕩從
之我不能

山中

僕遜

一夜山中雨風吹屋上茅不知溪水長祗
覺釣舡高

瀼浦弄月

李穡

日落沙猶白雲移水更清
高人弄明月只欠紫鸞笙

碧瀾渡

李崇仁

山水看無厭魚鰕侶有年
潮生風亦便艇子自舡前

西京感懷

李仁復

深院春光暖崇臺月影清
向來歌舞地戰鼓有新聲

五卷
即事

徐居正

老子老持律詩篇已戒荒溪山起我病馮
婦下車忙

倚雲樓

成氏

登臨無限意春盡獨搔頭虛榻松鳴雨村
田麥借秋

佛圖寺

金宗直

力招提境松間紫翠重青山半邊雨落

日上方鍾

題平陵驛亭

楊以時

稻花風際白豆菜雨餘青
物物得其所我歌溪上亭

神勒寺

李達善

禪房僧已寂獨坐夜將分
暗裡魚舟過江心人語聞

何正郎餽棗煎

霞暈凝青玉
香透碧櫺春風時
命酒絲
髮欲回青

途中

金悅卿

山遠天垂野
江遙水接虛
孤鴻落日外
征馬獨踟躕

古意

金淨

苦海航難越
迷津信可躋
舉頭猶有日
虛走鄧林西

佳月

佳月重雲掩秋聲動客愁清光還可待深
夜倚江樓

送秋

金益精

砌下蟲聲斷天涯雁影稀山應離別瘦葉
為送行飛

野望

獨成間眺望久住此山川鶴立青如迥龍

移黑雨懸

暮景

樹密深濃翠孤烟淡作雲前村聞犬吠暗
路草中分

絕句

雪迷江路曲人指暮山遙賴有沙村叟相
招過石橋

絕句

林億齡

裨謔謀遠野子厚愛愚溪挹翠來松下觀
魚到水西

贈王上人

老去愛山水林間叩石扉問法知前妄休
官悟昨非

泊江口

羅湜

日落江雲黑天空水自波孤舟宜早泊風
浪夜應多

俠客行

崔慶昌

玳瑁三千客金椎五十斤
鄴中行殺鄙歸報信陵君

弘慶感懷

白光勲

草沒前朝寺碑殘太史文
千年有流水落日見歸雲

雨荷

梁大樸

一夜山中雨陂塘翠蓋傾
跳珠亦多事

枕夢難成

松溪即事

李達

玉洞煙華煖金沙日影遲溪頭煮新酒童
子折松枝

效崔國輔

碧堦霜氣寒金閣流螢度靜夜聞無人梧
桐滴清露

移居

野濶茅簷小山長草木踈耕夫相問訊故
友絕交書

江村

宿鷺立溪沙晚蟬咽江樹歸舟白蘋風夢
落西潭雨

貯福院感懷

綠髮全成雪青松半作薪川無濯纓水跡
有化衣塵

登樓

李淑媛

小白梅逾耿深青竹更妍
憑欄未忍下為待月華圓

採蓮曲

蓮葉裁成幄蓮絲織作裳
清芳殊不歇持此贈仙郎

閨怨

梁亨遇

粧樓凝曉思翠袖掩春啼
芳草復芳草年年

年長別離

雜詩

清興因詩得幽懷用酒除三春殘客路一
月隔家書

効崔國輔

許景樊

妾有黃金釵嫁時為首飾今日贈君行千
里長相憶

又

池頭楊柳疎井上梧桐落簾外候蟲吟天
寒錦衾薄

又

春雨暗西池輕寒襲羅幕愁倚小屏風墻
頭杏花落

江南曲

江南風日好綺羅金翠翹相將採菱去齊
蕩水蘭橈

又

紅藕間寶釵白蘋為雜珮停舟下渚口共
待寒潮退

雜詩

梧桐生嶧陽斷取為鳴琴一彈再三歎舉
世無知音

又

八有一端綺今日持贈郎不惜作君袴莫

作他人裳

又

精金明月光
贈君為雜佩
不惜棄道旁
莫結新人帶

長干行

昨夜南風興
船頭指巴水
道逢北來人
知君在楊子

賈客詞

五卷
朝餐宜都渚北風吹五兩船頭各澆酒月
下齊盪槳

相逢行

相逢青樓下繫馬門前柳笑脫錦貂裘試
取新豐酒

江南曲

生長江南村何曾識別離可憐年十五嫁
與弄潮兒

朝鮮詩選全集

昌江藍芳威為里選

滙東祝世祿無力

全閱

東萊韓初命康侯

莆口吳知過更伯全校

七言絕句

贈金川寺上人

崔致遠

白雲溪畔剎仁祠
三十年来此住持
咲指門前一條路
總離山下有千岐

饒州鄱陽亭

致遠仕于唐其歌詠多中華游覽而作

夕陽獨立意無窮
萬古江山一望中
太守憂民疎宴樂
滿江風月屬漁翁

隨駕長源亭賦得埜叟騎牛

郭興

太平容貌恣騎牛半濕殘霏過隴頭已識
水邊家漸近從他落日傍溪流

內殿春帖子

金富軾

雪根猶在三雲陞日脚初昇五鳳樓寶曆
授時周太史玉卮稱壽漢諸侯

醉後

鄭知常

飛花紅雨鳥喃喃繞屋青山間翠嵐一頂

烏紗慵不整
醉眠花塢夢江南

南浦歌

一名唐浦在平壤城南五里

雨霖長堤草色多
送君南浦動悲歌
大同江水何時盡
別淚年年長綠波

贈妓

鄭襲明

百花叢裡淡丰容
一夜狂風減却紅
獼飴未能醫玉頰
五陵公子恨無窮

南州有妓色甚麗為

其使君最愛及別去懼為他人據以蠟炬傷其頰襲明過而見之笑而賦贈

杏花鸚鵡圖

李仁老

欲雨未雨春陰垂
杏花一枝復兩枝
問誰領得春消息
唯有鸚鵡之與鵲之

西江

秋深沙浦蟬初肥
雲盡西江片月輝
十幅蒲帆千頃玉
紅塵飛不到蓑衣

三月晦日聞鶯有感

林惟正

三月更當三十日綠窗殘夢尚聞鶯曉來
枝上千般語似向東風話舊情

春晚

陳 萍

雨餘庭院長蒼苔人靜雙扉晝不開碧砌
落花深幾許東風吹去又吹來

上朴舍人暄

柳 葆

紫微花下仙毫露化出人間萬樹紅唯有
東門一株柳年年虛度好春風

方山寺

白文節

樹陰無隙小溪流一炷清香滿石樓苦熱
人間方卓暑卧看紅日上松頭

賞蓮

郭預

賞蓮三度到清池翠蓋紅粧似舊時唯有
看花玉堂老風情不減髮如絲

過燕子樓

張鎰

霜月淒涼燕子樓即官一去夢悠悠當時

坐客休嫌老樓上佳人盡白頭

春日讌禁池

白元恒

琉璃滑色漱方池魚靜無心上釣絲柳外
曲欄簾半捲燕輕微雨小晴時

七月六日夜卧不寐

草堂清夜暑初收小雨寒螢濕不流獨卧

床頭思往事砌蟲啼破一簾秋

東還訪敬齋宅

畫舍清清絕點塵滿園花草四時春
客中懷抱憑誰說時向鶯溪訪故人

夜坐

滿庭花月寫窻紗花易隨風月易斜
明日應看明月在十分愁思屬殘花

燕都秋夜

思家步月未成歸庭樹秋深葉盡飛故國
三千八百里夜闌雙杵搗寒衣

遊五臺山

在江原道江陵府

柳伸

畫裡當年見五臺碧山蒼翠有高低今來
萬壑爭流處自覺穿雲路不迷

賈生

釋圓鑑

洛陽才子舊知名一譴長沙萬里行祗是

謾言成貝錦非關聖主不聰明

雨中睡起

禪房閒寂似無僧
雨濕低簷薜荔層
午夢覺來西日夕
山童吹火上龕燈

山居

李璵

滿空山翠澹人衣
綠草池塘白鳥飛
宿霧夜栖深樹裡
午風吹作雨霏霏

早朝馬上口號

洪侃

紫翠橫空澗水幽風烟一帶似滄洲石橋
西畔南臺月挂笏看山又一秋

送使君赴安京

草長江南三月天永嘉山水好風烟文章
太守謝康樂珠翠佳人玉井蓮

九曜堂

李齊賢

溪水潺潺石徑斜寂寥誰似道人家庭前
老樹春無葉盡日山蜂咽草花

呈趙學士子昂

風流空憶永和春
翰墨遺踪幾度新
千載幸逢真面目
况聞家有衛夫人

訪金生

墟烟黯澹樹高低
芳草萋萋路欲迷
薜荔滿牆啼鳥寂
田翁為指竹橋西

秋夜

三更月色可憐宵
萬頃秋光泛素濤
湖上

誰家吹玉笛碧天無際鴈行高

渡錦江

扁舟一葉泛中流北去南來古渡頭日日
江天人競涉何人回首看沙鷗

山居春日

王伯

村家昨夜雨濛濛竹外桃花忽放紅醉裡
不知雙鬢雪却簪繁萼立東風

秋日

僧荆山

竹徑依依日半陰
涼風吹暮碧雲深
數散牧笛長橋外
不到禪心到客心

西江詠

鄭 誦

十日秋霖水面肥
殘雲更作兩霏霏
夜來樓下濤聲壯
清曉人家半掩扉

途中

驅馬悠悠渡小溪
輕風古道草萋萋
山村四月行人少
深樹黃鸝自在啼

雨中邀友

焚香閉閣有餘清
遠樹颼颼送雨聲
綠暗碧窻春睡足
不妨來此聽啼鶯

梅花

可憐玉蕊照清波
一夜東風可柰何
縱有餘香誰見賞
滿園桃李日來多

關東聞杜鵑

李堅幹

旅館挑殘一盞燈
使華風味淡如僧
隔窻

杜宇終宵聽啼在山花第幾層

五霸廟

庶使經于此

大明流于金齒國道

曹庶

村南村北雨淒淒五廟霸宮楊柳低十里
江山和睡過竹林深處午鷄啼

即事

趙云仡

荆門日午喚人開步出林亭石滿苔昨夜
山中風雨惡一溪流水泛花來

征嬾吟

鄭夢周

織罷迴文錦字新
題封寄遠恨無因相逢
恐有遼陽客每向津頭問路人

高郵湖

南歸日日是遨遊
湖上清風一葉舟
兩岸蒹蒲行不盡
又隨明月宿芳洲

舟中

湖水澄澄一鏡明
舟中宿客不勝情
悄然

夜半微風起十里菰蒲作雨聲

贈日本僧永茂

故園東望隔滄波春盡高齋自結跏日午
南風自開戶飛來花片點袈裟

客中行

潮落潮生漸遠行不堪回首望松江海門
千里來相送只有青山最有情

僧舍

李崇仁

山北山南細路分
松花舍雨落紛紛
道人汲井歸茅舍
一帶青烟染白雲

雜題

天淨雲高秋氣新
倦遊無處不傷神
經過萬里仍為客
惟有南山不負人

重九

鄭道傳

故園歸路渺無窮
水遠山圍第幾重
望欲遠時愁更遠
登高莫上最高峯

寄鄭宗正

李集

平林渺渺抱汀洲
千頃烟波漫不流
待得滿船秋月白
好吹長笛過江樓

竹堂入直

知印尚書最少年
承恩直到玉墀前
紫泥濕透青衫袖
夜半黃麻下九天

聞杜鵑

康好文

尋春自喜及花時
還恨山中有子規
啼到

五更猶未歇江南詞客鬢成絲

藏嶺

李 稷

崩崖絕澗幾驚魂北塞南山道路分回首
日邊天宇淨望中猶恐起浮雲

遊南城

成 侃

鉛槧年來久不堪春風引興到城南陽陂
軟草細如織正是青春三月三

水落庵

遙山伐木響丁丁雲逐閒禽下晚汀棋罷
溪翁歸去後綠陰移案讀黃庭

雪

禪家初喜浩然至詩壘還逢白也來羞作
顛狂春後絮相從淡薄鴈前回

即事

小沼如盤水淺清菰蒲新發荻芽生連筒
引却前溪水養得芭蕉聽雨聲

春日

金入垂楊玉謝梅
小池新水碧于苔
春愁春興誰深淺
燕子不來花未開

郊行

柳文通

東風信馬過長堤
兩岸春深草色齊
江雨不知衣帶濕
隔林茅舍午鷄啼

義州候天使次朴判書

李承召

旅館頻驚變物華
風吹楊柳翠偏斜
山城地僻餘寒在
五月初看芍藥花

旅館

酒醒孤館雨濛濛
一片青燈照夜深
自是可休休不得
故山松桂已成林

浮碧樓

大同江上踈踈雨
浮碧樓前點點山
繡嶺日昏幡幅開
銀灘雲盡鷺鷥閒

秋晚

安應世

黃菊開殘故國花
寒衣未到客思家
邊城落日連衰草
啼殺秋風一樹鴉

二樂亭晚眺

黃汝猷

龍山澗水浩無邊
勝地逢人二十年
日落海雲飛欲盡
夜深燈火見陽川

次金太守田家

姜希孟

細雨霏霏濕馬蹄
煖烟桑柘鶉鳩啼
阿童

解事阿翁健剡竹分泉過岸西

次慶州壁上韵

崔應賢

風塵回首幾翻春案牘堆前白髮新夜半
慣成林下夢明朝依舊未歸人

秋懷

洪貴達

一面青山三面水楓林如染竹林青主人
不解紅塵夢閒却一秋江上亭

古寺尋花

李 媿

春深古寺燕飛飛
深院重門客到稀
我正尋花花盡落
尋花還為惜花歸

對馬島舟中夜坐 金 訢

獨泛孤蓬卧未安
西風一夕晚潮寒
海天秋色尋無處
却向潘郎鬢上看

西江寒食

南孝溫

天陰籬外夕寒生
寒食東風野水明
無限滿船啻客語
柳花時節故鄉情

嶺南

申 罔

病中雙鬢雪花明獨把菱花暗裡驚身逐
短蓬飄不定事隨流水去無聲

野興

不須偷得未央丸靜裡偏知我自閒小沼
連筒分澗水一條飛玉細珊珊

風月樓

盧公弼

薔薇花發續殘春風月樓高已絕塵爛醉

欲歸歸未得滿池明月更留人

華山畿

金宗直

塚上青青連理枝行人爭唱華山畿
野棠花發當寒食幾度春寬化蝶飛

荅晉山相公

村南村北祝純蹄榆柳陰陰鳥雀啼
身遇太平生事足日斜扶醉斷橋西

送李節度赴鎮

鰲背樓臺一俯憑海波萬里碧天澄太平
未試龍韜策射雉過竹院僧

塞上

鄭希良

客恩偏惜歲華殘蘆荻蕭蕭雪滿山塞外
風高鷹翻健陣前雲起角聲寒

旅懷

金淨

江南殘夢晝厭厭愁逐年華日日添鶯燕
不來春又去落花微雨下重簾

江行

遠峰天外翠蛾浮
烟樹重重暗浦頭
一雨滄江歸棹晚
雁橫寒渚荻蘆秋

送朴璨還任

申光漢

君為嶺嶠離鄉客
我作江南去國人
社燕秋鴻來去異
黃花愁映白頭新

寄稷山宰閔

鄭光啟

招尋相對縣西陵
白日玲瓏看納冰
被酒夜歸渾似夢
小村時點續藤燈

望三角山有感

孤舟一出廣陵津
十五年來未死身
我自有情如識面
青山寧憶舊遊人

次華太史初見杜鵑花

蘇世讓

滿眼紅浮海上霞
石巖沙岬半欹斜
杜鵑

亦喜天仙至先放東風第一花

野興

鄭惟吉

一年乾沒度秋分荷落寒塘菊吐芬聞道
西隣足佳致漫看平野割黃雲

示許彥寬

鄭士龍

寒郊木影晚蕭疎隔岸淒風戰雪蘆小醉
不知天色暝馬穿修竹亂棲鳥

塞上曲

時遼將戰沒作此以吊也

崔慶昌

日暮雲中火照山單于已近鹿頭關將軍
獨領千人去夜渡遼河戰未還

邊詞

年少離家音信稀秋來猶着去年衣城頭
盡角吹霜急一夜黃柳葉盡飛

寄性庵上人

去年維舟蕭寺兩折花臨水送行人山僧

不覺間離別閉戶無心又一春

贈幸師

洛水橋南偶別君十年白髮老塵紛三山
一去尋無跡飛錫凌空步步雲

訪鄭士華不遇

李荇

長松落陰翠滿途松下故人新結廬此日
相尋獨回首北山佳氣歆棲鳥

曉起

昌壽

睡起荆扉手自開
碧簷殘月尚徘徊
曉天幾樹啼鴉起
愛看青山入戶來

落花岩懷古

洪春卿

百濟王義慈淫而不德
與高句麗侵新羅
新羅苦之告急于唐
唐高宗遣蘇定方并新羅軍討之
百濟軍大敗唐師且薄其都城
義慈方與諸姬宴泚泗亭
唐師卒至義慈

出奔熊川諸姬及宮人懼咸走泚
泗岩上墮崖而死世因號其地為

落花岩

國破山河異昔時獨留江月幾盈虧落花
岩畔花猶發風雨當年不盡吹

芙蓉臺

鄭 礩

荷香月色可憐霄更有佳人弄玉簫十二
曲欄無夢寐碧天秋思夜迢迢

重過場巖

梁大樸

峽裡淒風鏡面寒
孤舟還泊蓼花灣
重來記得垂綸處
魚鳥依然識舊顏

夜吟

庭前一帶小溪深
楊柳千行欲作林
樓上佳人夜吹笛
碧云凝處月成陰

山海關懷古

朴忠侃

天設雄關碧海頭
連雲粉堞限中州
可憐

萬世無窮計未保驪山土一丘

又

驕逸初萌六國平癡心還是一盧生胡界
豈獨亡秦者無限英雄據此城

送義嚴上人還金剛山

尹根壽

飄然杖錫去如飛坐聽鍾聲出翠微更上
廬山頂望南天空濶曉嵐微

塞下曲

許鈞

紫貂半脫控青驪
雪滿長城獵下遲
小白山前日將暮
朔風吹裂大紅旗

謾興贈郎

李淑媛

柳色江頭五馬嘶
半醒半醉下樓時
春欵瘦臨粧鏡
試寫纖纖却月眉

登樓

紅欄六曲壓銀河
瑞霧霏霏濕翠羅
明月

不知滄海暮九嶷山下白雲多

自適

虛簷殘濁雨纖纖枕簟輕寒曉漸添花落
後庭春睡美呢喃燕子要開簾

秋思

翡翠簾疎不蔽風新涼初透碧紗櫳
玉露團團月說盡秋情草下蟲

無窮會合豈愁思不比浮生有別離天上
却成朝暮會人間謾作一年期

江亭寄李汝受

李布益

烟橫銅雀夕陽盡花落廡陵春水賒聞亭
樽酒不歸去綠樹沉沉宿暝鴉

舟中

江流一帶碧溶溶二月風帆下峽中借問
舟人南郡事皆言來自廡陵東

又

入夜孤舟宿大堤侵晨又發廣陵西水村
山郭依稀見烟樹微茫動曉鷄

採蓮曲

蓮葉參差蓮子多蓮花相間女郎歌來時
約伴橫塘口辛苦移舟逆上波

月夜

郭垂楊北郭荷萬家人靜月明多閨中

少婦唱新曲千里歸心今若何

宮詞

九天日出殿門開鳳扇雙行引上來
遙聽太儀宣詔罷明朝新幸望春臺

又

中官清曉覓才人合奏笙歌滿殿春
別詔梨園吹玉簫後宮賜出錦麒麟

長信宮詞

禁苑無人楊柳齊
早衙初罷戟門西
盡梁東角雙飛燕
依舊春風覓舊栖

又

滿樹寒鴉凍不飛
玉爐沉燎曉烟霏
君王欲御通明殿
宮女催呼進尚衣

折楊柳

江上青青楊柳枝
往來行客起相思
年年偏結東風怨
無限長條管別離

松京懷古

前朝宮殿草烟深落落長松下夕陰同是

等閑亡國地笑看黃葉滿鷄林

初新羅王都鷄林千

餘年而德衰時高麗王王建興都鷄嶺稱雄東表有混一三韓之志崔致遠自唐登第還新羅新羅女主當國政出倖門致遠慨然歎曰鷄林黃葉鵲嶺青松厥後新羅卒歸高麗高麗歷伍百餘年而歸于李氏即今朝鮮也亦當叔世其言若此

贈僧

海氣連山沉夕暉西庵鍾磬老僧歸懸燈

六卷
十一
一夜禪房寂清曉穿雲下翠微

江南曲

南陌春泥屐齒香鳳頭錦襪足如霜無端

一唱江南曲楊柳樓前幾斷腸

三韓之族
女子不累

足成納繡履以潔白稱美雨則蠟屐寒則
錦襪貴賤同之

降仙謠

碧落迢迢雲路長天風吹送桂花香玉簫
歸去瑤臺上羅襪寒深一寸霜

又

三洲碧桃結千歲夜半白鸞來一雙中天
僊節降王母玲瓏海氣連雲窻

宿禪房

西峰梵宇接中天
寶冷冷落遠泉夜半
禪房清不寐老僧唱
磬禮金僊

清道九日

去年九日漢陽城今年九日江南道年年

依舊折黃花去年人到今年老

輓南方士

鸞馭飄然若木津
平簷下更何人東床
弟子收遺草玉洞桃花萬樹春

塞下曲

都護分軍夜斫營
漢家鼙鼓雜邊聲
朝來更聽降胡說
西向陰山有伏兵

拾穗謠

田間拾穗村童語盡口東西未滿筐今歲
刈禾人亦巧盡收遺粒上官倉

步虛詞

三角峩峨拂紫綃散垂餘髮過纖腰須臾

宴罷西王母一曲鸞笙向碧桃

三韓婦人盤髮為飾

女子卷而垂于後然咸作鴉髻
餘則垂之故曰餘髮過纖腰也

又

五色雲車五色麟白鸞前導向西巡天章

曉奏靈皇殿仙桂花開八萬春

寄許美叔

甲山西北接陰山鳥道懸崖不可攀遷客
此行何日到鄉書時寄隔年還

催粧曲戲贈許端甫

西宮季女玉卮娘偷寫雲泥掩洞房開却

玉屏迎絳節九華蓮燭待仙郎許端甫酒然玉交燕

處行遊輒以妓隨李布衣戲贈若此
可以想見其人

朝鮮詩選全集

昌江藍芳威萬里 選

滙東祝世祿無功

全閱

莆口吳知過更伯

東萊韓初命康侯全校

塞上曲

許景樊

都護防秋掛鐵衣城南初解十重圍金戈
漂盡單于血白馬天山踏雪歸

又

駢弓白羽黑貂裘綠眼胡鷹踏錦鞢腰下
黃金印如斗將軍初拜北平侯

又

新復山西十六州馬鞍懸取月支頭河邊

白骨無人葬百里沙場戰血流

又

漢家征旆滿陰山不遣胡兒匹馬還辛苦
總戎班定遠一生猶望玉門關

宮詞

千牛閣下放朝初擁帚宮人掃玉除日午
殿前宣鳳詔隔簾催喚女尚書

遊仙曲

催呼滕六出天關
腳踏風龍徹骨寒
袖裡玉塵三百斛
散為飛雪向人間

又

簾玲無語閉珠宮
紫閣涼生玉簟風
獨鶴夜驚滄海月
仙人歸去綠雲中

又

閒隨弄玉步天街
脚下香塵不染鞋
前導白麟三十六
角端都掛小金牌

又

騎鯨學士禮瑶京王母相留宴碧城手握
彩毫揮玉字醉顏猶似賦清平

又

玉帝初成白玉樓瑶階璇柱曉雲浮却傳
長吉書天篆掛向瓊楣最上頭

又

琴高昨夜寄書來為報瓊潭玉葉開却寫

尺書憑赤鯉蜀天明月約登臺

又

寒月冷冷訪述郎紫鸞萬里到扶桑花前一別三千歲惆悵仙家日月長

又

冰屋秋回桂有花却驂白鳳出青霞山前更過安期子袖裡携來壺似瓜

又

未央宮闕已黃花青鳥歸飛日欲斜漢武
不知仙吏隱茂陵松柏冷秋霞

又

彩雲夜入紫微城桂月光搖白玉京兩袖
天風清徹骨泠泠時下步虛聲

塞上曲

前軍吹角出轅門雪撲紅旗凍不翻雲暗
磧西看候火夜深遊騎獵平原

步虛詞

天花一朵錦屏西路入藍橋
匹馬嘶珂重
仙郎留玉杵桂香煙月合刀圭

又

紫陽宮女捧丹砂
王母新過漢帝家
窻下
偶逢方叔笑別來
琪樹六開花

又

一春閒伴玉真遊
倏忽西風已報秋
仙子

不歸花落盡滿天煙霧月當樓

又

鳬伯常乘白鹿遊相携還上五雲樓丹經
堆案藥堆鼎何事仙郎霜滿頭

又

廣寒宮裡玉為泥銀燭金屏夜正長欄外
桂花涼露濕步虛聲裡五雲香

宮詞

廿卷
五
寶爐新落水沉灰愁對紅粧掩鏡臺西苑
近來巡幸少玉簫金瑟半塵埃

竹枝詞

空舸灘口雨初晴巫峽蒼蒼烟霧平相憶
卽心似潮水早時纔退暮時生

楊柳枝詞

楊柳青青曲岸垂年年攀折贈行人東風
不解傷離別吹却似枝掃路塵

又

青樓西畔絮飛揚
烟鎖柔條拂檻長
何處少年鞭白馬
綠陰來繫紫遊韁

閨情

燕掠斜陽兩兩飛
落花撩亂撲羅衣
洞房無限傷春思
草綠江南人未歸

映月樓

玉檻秋風露葉清
水晶簾冷桂花明
鸞鵲

未返銀橋斷惆悵仙郎白髮生

聞笛

明月關山萬里秋玉人橫笛倚高樓一聲
吹入廣寒殿自有知音在上頭

宮詞

碧紗梅蕊欲回春遠黛輕蛾澁未勻却恠
滿身珠翠暖君王新賜辟寒珍

又

宮牆處處落花飛
侍女燒香對夕暉
過盡春風人不見
疑門深鎖綠生衣

橫塘曲

菱刺撐衣菱角大
日落渚田潮未退
蓮葉蓋頭當花冠
藕花結帶為雜珮

竹枝詞

永安宮外是層灘
灘上行舟多少難
潮信有時應自至
卽舟一去幾時還

閨思

李氏

遠寺昏鍾鳴翠微
子規啼斷恨依依
南湖菱角已成子
九月行人猶未歸

戲柬

辛獻

碧砌朝來漸有霜
葛衣新透玉肌涼
王孫不解悲秋賦
只喜深閨夜漸長

席上賦

藍秀才

平壤城北路偏賒
滿目烟波日又斜
且向尊前惜歡笑
馬頭開遍海棠花

呈吳孝廉

李文學

七卷
凌晨走馬入孤城籬落無人杏子成布穀
不知王事急隔林終日勸春耕

龍山月夜

梁亨遇

月在高松第幾枝風灘人語釣船歸春山
夜靜子規歇滿地白雲僧掩扉

東亭竹林避暑

竹林幽處着匡床綠雪陰陰一片涼讀罷
黃庭日將午風吹清露滴衣裳

東

許筠

野館荒涼門半開
入簾殘月影徘徊
寒蟲偏向秋林織
今夜故人來不來

綵毫詠次賈司馬戲贈吳子魚

香霧籠春醉海棠
高烧銀燭照輕芳
郎心願作連枝樹
莫學東風柳絮狂

又

許景樊

雙鸞明鏡罷朝粧
斜鞦鴉雛試彩裳
開却

玉屏迤絳節滿身花氣襲人香

又

鸞扇玲瓏隱醉顏自矜嬌豔出人間
天花滿袖君知否曾到瀛州海上山

又

鰕鬚初捲玉鉤收珠翠穠花棹滿頭
自愛嬌顰傾越女謾將鸞鏡學春愁

橫塘曲

家住橫塘綠水邊
相隨女伴採新蓮
逢郎始得成佳約
落日雕窗楊柳煙

義州山村即事

摘來嫩韭新炊飯
沽得香醪旋打魚
白髮山翁健如鶴
只愁賓客不歡娛

遊仙曲

凡三百首余侍其手書八十
一首

許景樊

瑞風吹破翠霞裙
手把天花倚五雲
雲外

玉童鞭白虎碧城邀取小才君

又

冰屋珠扉鎖一春落花烟路滿綸巾東皇
近日無巡幸間殺瑤池五色麟

又

青苑紅堂閉寂寥鶴眠丹竈夜迢迢仙翁
曉起嗅明月遙隔海天聞洞簫

又

烟淨遙空鶴未歸
白榆陰裡閉朱扉
溪頭盡日神霧雨
滿地青雲濕不飛

又

閒住瑤池吸彩霞
瑞風吹折碧桃花
東皇長女時相訪
盡日簾前卓鳳車

又

花冠藥帔九霞裙
一曲笙歌響碧雲
龍馬忽嘶滄海月
十洲還訪上陽君

宣川雪夜送清卮懶向筵前唱竹枝莫惜
東風一沉醉相逢正是別離時

贈別

妓德介氏

琵琶聲急寄離情怨入東風曲不成一夜

高堂香夢冷

羅裙上淚痕明

高堂香夢吟

羅蘇士彭泉郎

步虛詞

乘鸞夜下蓬萊島
閑輶麟車踏瑤草
海風吹綻碧桃花
玉盤滿摘安期棗

又

九霞裙襯六銖衣
鶴背乘風紫府歸
瑤海月明銀漢落
玉簫聲徹彩雲飛

遊仙詞

千載瑤池別穆王
慙教青鳥訪劉郎
平明

上界笙簫返侍女皆騎白鳳凰

又

瓊洞珠潭貯九龍彩雲寒濕碧芙蓉乘鵞
使者西旼路獨立花前禮赤松

又

露濕瑤空桂月明九天花落紫蕭聲朝元
使者騎金虎赤羽麾幢上玉清

又

焚香遙夜禮天壇羽駕翻風鶴鬣寒清磬
嚮沉星月冷桂花烟露溫紅鵞

又

宴罷西壇星斗稀赤龍南去鶴東飛丹房
玉女春眠重倦倚紅闌曉未歸

又

瓊樹玲瓏壓瑞烟玉鞭龍駕去朝天紅雲
塞路無人到短尾靈犀籍草眠

又

香寒月冷夜沉沉
咲別嬌妃脫玉簪
更把金鞭指歸路
碧城西畔五雲深

又

閑携姊妹禮玄都
三洞真人各見呼
分付赤龍花下立
紫皇宮裡看投壺

又

滿酌瓊醪綠玉卮
月明花下勸東妃
丹陵

宮主休相妬一萬年來會面稀

又

樓鎖彤雲地絕塵玉妃春淚濕羅巾瑤室
月浸星河影鸚鵡驚寒夜喚人

又

新拜真官上玉都紫皇親授九靈符歸來
桂樹宮中宿白鶴閑眠太乙爐

又

烟蓋飄飄向碧空
翠幢歸去玉壇中
青鸞一隻西飛去
露壓桃花月滿宮

又

瓊海湯湯浸碧空
玉妃無語倚東風
蓬萊夢覺三千里
滿袖啼痕一抹紅

又

華表真人昨夜歸
桂香吹滿六銖衣
閑回鶴馭瑤壇上
日出瓊林露未晞

又

管石金華四十年老兄相訪蔚藍天烟裊
月遂人間事咲指溪南白玉田

又

乘鸞來下九重城絳節霓旌別太清逢着
周靈王太子碧桃花下夜吹笙

又

海畔扶桑幾度開羽衣零落鬢歸來東窓

玉樹三枝長知是真皇別後栽

又

催龍促鳳去朝元路入瑤空敞八門仙史
殿頭宣詔語九華王子上崑崙

又

東宮女伴罷朝回花下相邀入洞來閑倚
玉峰吹鉄笛碧雲飛遠望天臺

又

烟蓋歸來小有天
紫芝初長水邊田
瓊筐採得英英實
遺却紅綃制鶴鞭

又

群仙相引陟芝田
蹙向珠潭學採蓮
斜日照花瓊戶閉
碧溪深鎖大羅天

又

瓊海茫茫月露溥
十千宮女駕青鸞
平明去赴瑤池宴
一曲笙歌碧落寒

又

瓊樹扶疎露氣濃
月明簾室影玲瓏
閑催白兔敲靈藥
滿臼天香玉屑紅

又

露盤花影浸三星
斜灩初佐白玉屏
孤鶴未回人不寐
一條銀浪落珠庭

又

俊士夫人住馬都
日中笙笛宴麻姑
常郎

年少心慵甚不寫紅綃五岳圖

又

朱幡絳節曉霞中別殿清齋侍五翁秋水
一絃輕戛玉碧桃花滿紫陽宮

又

忘却教人鎖後宮還舟失盡玉壺空姮娥
若不偷靈藥爭得長生在月宮

又

絳闌夫人別玉皇洞天深閉紫霞房桃花
落盡溪頭樹流水舞情賺阮郎

無

又

乘龍長伴九真遊八島朝行夕已週深夜
講壇風雨定小仙歸去策青蠅

又

去住樓臺一任風十三天洞暗相通行
侍女炊何物滿竈無烟玉炭紅

又

八馬乘風去不歸
桂枝黃竹怨瑤池
昆庭玉瑟雲中嚮
傳語凌華罷畫眉

又

榆葉飄零碧漢流
金蟾玉露不勝秋
靈橋鵲散無消息
隔岸空看飲渚牛

又

珠露金飈上界秋
紫皇高宴五雲樓
霓裳

一曲天風起吹散仙香滿十州

又

六葉羅裙色曳烟阮郎相喚上芝田笙歌
斲相花間歇便是人間一萬年

閨怨

錦帶羅衫積淚痕年年芳草恨王孫瑤箏
彈盡江南曲兩打梨花晝掩門

又

月樓秋盡玉屏空
霜打蘆洲下暮鴻
瑤瑟一彈人不見
藕花零落野塘中

秋恨

絳紗遙隔夜燈紅
夢覺羅衾一半空
霜冷玉籠鸚鵡語
滿階梧葉落西風

宮詞

龍輿初年建章臺
六部笙歌出院來
試向曲闌催羯鼓
殿頭宮女報花開

又

紅羅袂裏建溪茶
侍女封緘結作花
斜扣紫泥書勅字
內官分送大臣家

又

鸚鵡新詞羽未齊
金龍鎖向玉樓西
閑回翠首依簾立
却對君王說隴西

又

黃昏金鎖鎖千門
一面紅粧侍至尊
阿監

殿前持密詔問誰還是最承恩

又

清齋秋殿夜初長不放宮人近御床時把
剪刀裁越錦燈前閑繡紫鴛鴦

又

長信宮門待曉開內官金鎖鎖門迴當時
曾咲他人到豈識今朝自入來

又

披香殿裏會宮粧
新得承恩別作行
當座
繡琴彈一曲
內家令賜綵羅裳

又

避暑西宮不受朝
曲欄初展碧芭蕉
閑隨
尚藥園綦局
賭得珠鈿綠玉翹

又

天廚進食簇金盤
香果魚羹下筯難
徐喚
六宮分退膳
旋推當直女先餐

又

冰簟寒多夢不成
手揮羅扇撲流螢
長門夜永空明月
風送西宮咲語聲

又

看脩水殿種芙蓉
昇下羅函出九重
試看綵衫迎詔語
翠眉猶帶睡痕濃

又

新擇宮人直御床
錦屏初賜合歡香
明朝

阿監來相問
咲指胸前一珮臺

又

金鞍玉勒紫遊韁
跨出西宮入未央
遙望午門開
雉扇日華初上
赫袍光

又

西宮近日萬機頻
催喚昭容啓殿門
為報榻前持燭女
漏聲三下紫微垣

塞下曲

隴戍悲笳咽不通黃雲萬里塞天空明朝
蕃帳收殘卒探馬歸來試臂弓

又

虜馬千羣下磧西孤山烽火入銅鞮將軍
夜發龍城北戰士連營擊鼓鼙

入塞曲

落日狼烟度磧來塞門吹角探旗開傳聲
漠北單于破白馬將軍入塞迴

又

漢家征旆滿陰山不遣胡兒匹馬還辛苦
總戎班定遠一生猶望玉門關

火枝詞

滾東滾西春水長郎舟去歲向瞿塘巴江
峽裏猿啼苦不到三聲已斷腸

又

家住江南積石磯門前流水滄羅衣朝來

閒繫木蘭棹貪看鴛鴦作對飛

楊柳枝詞

灞陵橋畔渭城西兩鎖烟籠十里堤繫得
王孫歸意切不同芳草綠萋萋

又

按轡營中次第新藏鴉門外幾翻春生憎
灞水橋邊樹不解迎人解送人

青樓曲

夾道青樓十里家家門巷七香車東風
吹折相思柳白馬驕行踏落花

鞦韆

隣家女伴競秋遷結帶璫巾學半仙風送
綵繩天上去佩聲時落綠楊烟

城上行

長堤十里柳絲垂隔水荷香滿客衣向夜
南湖明月白女郎爭唱竹枝詞

洞仙謠

紫簫聲裏彤雲散
簾外霜寒鸚鵡喚
夜闌孤燭照羅帷
時見疎星度河漢
丁東銀漏嚮西風
露滴梧枝語夕虫
絞綃帕上三更淚
明日應留點點紅

皇帝有事天壇

羽蓋徘徊駐碧壇
壁階清夜語和銓
長生錦誥丁寧說
延壽靈方仔細看
曉露濕花

河影斷天風吹月霍聲寒齋香燒罷敲鳴
磬玉樹千章遠曲欄

次仲氏高原堂高臺韻

龍從危棧接雲霄峰勢侵天作漢標山脈
北臨三水絕地形西壓兩河遙烟塵暮捲
孤城出首蓓秋肥萬馬驕東望塞垣鼙鼓
幾時重起霍嫖姚

次仲氏見星庵韻

雲生高嶂溫芙蓉琪樹丹崖露氣濃梵閣
香殘僧入定講堂齋罷鶴歸松蘿懸古壁
啼山鬼霧鎖深潭卧獨龍向夜香燈明石
榻東林月黑有疎鍾

翠袖啼痕

輕籠雪腕裁青練六曲紅欄閑倚遍秋波
不禁落玉筋舉袖暗拭殘粧面氤氲血淚
膩纖羅粉惹沾紅春恨多冰盆瓊液洗不

去曉露半濕西池荷

少年行

少年重然諾結交遊俠人腰間白轡韁錦
袍雙麒麟朝辭明光宮馳馬長樂坂沽得
渭城酒花間日將晚金鞭宿倡家行樂爭
流連誰憐楊子雲閉門草太玄

哭子

年喪愛女今年喪愛子哀哀廣陵土雙

墳相對起蕭蕭白楊風鬼火明松揪紙錢
招汝魄玄酒奠汝丘應知弟兄魂夜夜相
追游縱有腹中兒安可異長成浪吟黃臺
詞血淚悲吞聲

遣興

仙人乘彩鳳夜下朝元宮絳幃拂海雲霓
裳舞春風邀我瑤池吟飲我流霞鍾借我
綠玉枝登芙蓉峰

又

有客自遠方遺我雙鯉魚剖之何所見中
有尺素書上言長相思下問今何如讀書
知君意零淚沾衣裾

又

芳樹藹初綠靡蕪葉已齊春物自妍華我
獨多悲悽壁上五岳圖牀頭叅同契煉丹
猶有成歸謁蒼梧帝

出塞曲

烽火照長河，天兵出漢家。
枕戈眠白雪，驅馬渡黃沙。
翔吹傳金柝，邊聲入塞笳。
年年長結束，辛苦逐輕車。

又

昨夜羽書飛，龍城報合圍。
塞笳吹朔雪，玉劔赴金微。
義成人偏老，長征馬不肥。
男兒重義氣，會繫賀蘭皈。

怨情

夕殿下珠簾
流螢飛復沒
寒夜縫征衣
殘燈映羅幙

又

郎作千里行
儂無千里送
拔奴頭上釵
與郎資路用

又

收久織未休
憂憂鳴寒機
機中一疋練
終

作阿誰衣



